




ՊՐՈՖ. Ա. Մ. ՀԱՆԹԵՐ

ՆՈՐ ԿՏԱԿԱՐԱՆԻ ԱՍՏՎԱԾԱԲԱՆՈՒԹՅԱՆ ՆԵՐԱԾՈՒԹՅՈՒՆ*

ՆԱԽԱԲԱՆ

Աստվածաշունչը Աստուծո ժողովրդի Գիրքն է կամ, եթե կուզեք՝ երկու «Ելք»-երի Գիրքը:

Հին Կտակարանում տրված է Աստուծո կողմից Իսրայելի ժողովրդի ընտրության պատմությունը, թե ինչպես Աստված Մովսեսի միջոցով Իսրայելին փրկեց եգիպտական գերությունից և նրան Իր ժողովուրդը դարձրեց Սինա լեռան ուխտով (Սա առաջին «Ելք»-ն է), և թե ինչպես հաջորդ դարերում էլ իր «ծառա մարգարեների» միջոցով նրանց առաջնորդ և ուղեցույց հանդիսացավ՝ օրհնությամբ և դատաստանով իրենց բարձր ճակատագրին նախապատրաստելու համար, և նրանց սրտում վառեց Մեխիական դարի երջանկության հույսը:

Նոր Կտակարանը աստվածային փրկագործական ծրագրի իրականացման պատմությունն է: Այն պատմում է, թե ինչպես Աստված Իր (փրկչական) նպատակն ի կատար ածեց՝ առաքելով Իր Մեխիա որ-

դուն և նրա Առաքելությամբ, Մահվամբ և Հարությանբ սկիզբ դրեց Իր իշխանության: Սա երկրորդ «Ելք»-ն է (տես Դուկ. Թ 31) և սա այն դեպքն է, որ մենք կոչում ենք «Քրիստոսի իրողություն»:

«Քրիստոսի իրողություն» ասելով մենք պետք է հասկանանք այն բոլորը, որ պայմանավորված է Հիսուս Քրիստոսի գալուստով: Այն է՝ Իր անձը, գործը և խոսքերը, ինչպես նաև Հարությունը, Հոգեգալուստը և Նոր Իսրայելի՝ ընդհանրական Եկեղեցու ստեղծումը:

Հարց է ծագում, թե ինչո՞ւ ենք Աստվածաշունչը այդպես դիտում: Որովհետև Հիսուս ինքը փրկչական ամբողջ պատմությունը այդպես նկատեց, ինչպես հաստատում է «Չար Մշակների» առակը (Մարկ. ԺԲ 1—12): Եթե միայն այսպես դիտենք Ավետարանը, կարող ենք հասկանալ Հիսուսի հետևյալ խոսքերը. «Մի կարծեք, թե օրենքը կամ մարգարեներին ջնջելու եկա. չեկա ջնջելու, այլ՝ լրացնելու» (Մատթ. Ե 17):

Այստեղ անհրաժեշտ ենք համարում հակիրճ ձևով ներկայացնել Քրիստոսի իրողության պատմական ժամանակաշրջանը: Այն սկսվում է Հռոմի Տիբերիոս կայսեր իշխանության օրոք՝ Զաքարիայի որդի Հովհաննեսի ձեռքով կատարված մի մկրտությամբ: Մկրտվողների մեջ կար մեկը, որ նախաջված էր որպես Հիսուս Նազովրեցի, երբեմն էլ՝ Որդի Մարիամի:

Նա ծնվել էր Հուդայի երկրի Բեթղեհեմ քաղաքում, մոտավորապես մ. թ. ա. 6

* Աքովտիայի Աբրդին համալսարանի Ա. Գրական քննադատության պրոֆեսոր Ա. Մ. Հանթերը իր «Ներածություն Նոր Կտակարանի աստվածաբանության» գրքում խոսում է Քրիստոսի իրողության, քրիստոնեական հավատքի առաջին բարոյիչների և առաջին մեկնիչների մասին:

Այս համարում հրատարակվում է սույն գրքի Ա գլուխը:

թվականին, Օգոստոս կայսեր իշխանության օրոք, երբ Հռոմեական խաղաղությունը (Pax Romana) տիրել էր ամբողջ աշխարհին: Նա մեծացել էր Գալլիիայի Նազարեթ քաղաքում, ծնողների հետ մասնակցել էր Երուսաղեմի տոնակատարություններին և սովորել հյուանի արհեստը:

Մեզ հայտնի է, որ նա երիտասարդ հասակում ճանաչված էր Սուրբ Գիորջ մեկնելու հմտությամբ: Ավելի ուշ շրջանի Նրա խոսքերից և կենցաղից կոսմոս էնը, որ նա թեև բոլորի հետ վարվում էր քարեկամաբար, այնուամենայնիվ նա սիրում էր ամբոխից մեկուսանալ՝ խոլման և աղոթքի համար:

Մեծն Օգոստոսի մահվան ժամանակ, մ. թ. 14-ին, նա պետք է մոտավորապես 20 տարեկան լիներ:

Անկասկած իր ժամանակակիցներից շատերին տագնապեցրեց կայսեր մահվան լուրը՝ վախեցնելով, որ Օգոստոսն իսպառությունը և կայսրության կարգն ու կանոնը նրանով վերջ կգտնի: Սակայն Հիսուս մտածում էր մի ուրիշ խաղաղության և մի այլ կայսրության մասին և սպասում ի լրումն ժամանակի:

Երբ մի տասնյակ կամ ավելի տարիներ հետո երկար ժամանակ լուծ մարգարեության ձայնը կրկին հնչեց Հովհաննես Մկրտչի շուրթերից Հուդայի անապատում, Հիսուս գիտեր, որ իր ժամանակը հասել է: Նազարեթից իջնելով Հորդանան, նա գնաց մկրտվելու Հովհաննեսից և սկսելու իր առաքելությունը, որի ընթացքում պիտի հռչակեր առավել հզոր մի թագավորություն, քան Հռոմեականն էր: Եվ պիտի պատմեր մի աշխարհի մասին, որը փրկված էր ոչ թե մի մարդու կողմից, որ աստվածացած էր՝ ինչպես Օգոստոսը կամ Տիբերիոսը, այլ Աստուծո կողմից, որ մարդացած էր: Որովհետև ինքն իսկ էր այդ մարդը, և նրանով էր պատրաստվում պատմության քեմը երկրորդ և առաջինից ավելի մեծ «Ելք»-ի համար:

ԱՎՆԱՐԿ ԱՂԲՅՈՒՐՆԵՐԻ ՄԱՍԻՆ

Քրիստոսի իրողությունը պահանջում է ծանոթանալ և ուսումնասիրել Արքայությունը և Մեսիան համատես Ավետարաններում:

Ինչո՞ւ ենք մենք դուրս թողնում չորրորդ Ավետարանը: Նրա՞ համար, որ նկատում ենք այն որպես մի աստվածաբանական մեկնություն, որը չի առնչվում պատմական իրադարձություններին: Ո՞չ: Թեև երբեմն ենթադրվում է, որ մեկնությունը անխուսափելիորեն որոշ խորթ տարրեր է ներմու-

ծում պատմական տվյալների մեջ, քայց և այնպես կարելի է նաև մեկնությամբ ի հայտ բերել փաստերի ճշմարիտ իմաստը: Մենք հավատում ենք, որ Հովհաննես ավետարանիչը հենց այս էր, որ կատարեց: Նաև ընդունում ենք, որ իր Ավետարանն ավելի հավաստի է պատմականորեն, քան մի ժամանակ ենթադրվում էր¹:

Համենայն դեպս տարբերություն կա չորրորդ և առաջին երեք Ավետարանների միջև:

Մինչ համատես Ավետարանները աստվածաբանությունը գետնելում են պատմական հողի վրա, Հովհաննես ավետարանիչը պատմությունը գետնելում է աստվածաբանական շրջանակի մեջ (ինչպես վկայում է իր Ավետարանի նախաբանը՝ «Ի սկզբանէ էր Բանն...»):

Այդ տարբերությունը թեև աստիճանական է, քայց միաժամանակ՝ իրական: Այդ իսկ պատճառով մենք Ս. Հովհաննեսին դասում ենք «Քրիստոսի իրողության» մեկնիչների շարքին:

Գալով Համատես Ավետարաններին, դրանք նկատում ենք վավերական պատմական փաստաթղթեր: Այդ ասելով մենք չենք պնդում, թե այն ամենը, ինչ որ առկա են դրանցում, ճշմարիտ են (օրինակ՝ որոշ պատահարներ, որ միմիայն Մատթեոսի Ավետարանում ենք հանդիպում): Սակայն պնդում ենք, որ եթե Ավետարաններին մոտենանք ողջամիտ և չափավոր քննադատությամբ, ապա կունենանք Հիսուսի խոսքի և գործի հավաստի նկարագրությունը և հերքած կլինենք գերմանացի քննադատ Բուլտմանի² ծայրահեղ եզրակացությունները:

Անգլիայում, որպես արդարադատության սկզբունք, ընդունված է, որ մարդն անմեղ է, քանի դեռ չի ապացուցվել նրա հանցավոր լինելը:

Ուստի, հիշյալ սկզբունքից ելնելով, կարող ենք համատես Ավետարաններում Հիսուսին վերագրվող գործերը և խոսքերը վավերական նկատել այնքան ժամանակ, քանի դեռ տրամաբանական փաստարկներով հակառակը չի ապացուցվել:

¹ Մի շարք արեմտյան աստվածաբաններ անցյալ դարում մերժում էին Ս. Հովհաննեսի Ավետարանի պատմականությունը (թարգմանչի ծանոթություն):

² Բուլտմանն այն կարծիքին է, որ Ավետարանը հավաստի դարձնելու համար պետք է հրաժարվենք հրաշապատումներից: Այս մոտեցումը ինքը անվանում է Ավետարանի առասպելային (ժանրագրությունը մերն է—Ա. ա. 2. և Ա. ք. Մ):

Ա մ ա
ՔՐԱՍՏՈՍԻ ԻՐՈՂՈՒԹՅՈՒՆԸ
1

**Աստուծո Արքայությունը և Քրիստոսի
Առաքելությունը**

Ավետարանների էությունը համակվել է խոր առեղծվածով: Դա Երկնքի Արքայության և Հիսուսի Առաքելության միջև եղած հարաբերության առեղծվածն է: Եվ այս առեղծվածը հասկանալուց է կախված ամբողջ Նոր Կտակարանի ըմբռնումը:

Ո՞րն է համատեւ Ավետարանների տիրապետող թեման: Այս հարցը, ըստ մասնագետների, ունի միայն մեկ ճշմարիտ պատասխան՝ Աստուծո Արքայությունը³:

Հիսուս ձեռնարկեց իր քարոզությանը այս թեմայով, և այս էր իր առակների նյութը: Վերջին ընթրիքին սրա մասին խոսեց իր աշակերտներին: Նա ապրեց, գործեց և մահացավ այս մտածությամբ:

Վերցնենք ամենավաղ գրված Ավետարանը: Մարկոս ավետարանիչը, Հովհաննես Մկրտչի առաքելությունը ներկայացնելուց հետո, պատմում է, թե ինչպես Հիսուս եկավ Գալիլիա և հայտարարեց. «Հասել է Աստուծո Արքայությունը»:

Այնուամենայնիվ երբ շարունակում ենք Մարկոսի Ավետարանի ընթերցումը, մեր առջև պարզվող պատմությունը մի մարդու մասին է՝ Հիսուս Նազովրեցու, որ իրեն կոչում է «Որդի Մարդոյ»՝ ըստ երևույթին շեշտելով իր մարդեղությունը:

Հովհաննեսից մկրտվելուց հետո Հիսուս քարոզում, ուսուցանում և բուժում է՝ սկզբում սինագոգներում, իսկ ավելի ուշ՝ Գալիլիայի լճափին, մինչև որ այնպիսի համբավ է ձեռք բերում, որ բացօթյա մի ճաշկերության անմիջապես հետո իր հետևորդները փորձում են նրան թագավոր կարգել:

Այստեղ Հիսուս ոչ շատ հստակ պատճառով Գալիլիայից ճահանջում է Պաղեստինի հյուսիս-արևմտյան սահման:

Երբ վերադառնում է Փիլիպպյան Կեսարիա քաղաքի շրջակայք, գաղտնի խոսակցություն է ունենում իր տասներկու աշա-

կերտների հետ Մեսիայի, Մարդու Որդու և մահվան մասին: Եվ վեց օր հետո խորհրդավոր դեպք է կատարվում մի լեռան գագաթի: Ապա կարծես անդառնալի որոշում արած, Հիսուս իր աշակերտների հետ ուղղվում է դեպի հարավ՝ Հուդայի երկիր և Երուսաղեմ: Այնտեղ, հրեական Զատիկի մոտիկ օրերին տաճարը մաքրելուց հետո, ձերբակալվում է իր թշնամիներից, դատվում, դատապարտվում և խաչվում՝ մատնվելով իր տասներկու աշակերտներից մեկի կողմից: Մի քանի օր հետո խաչյալ մարդու ընկերները հայտարարում են, որ նա մեռելներից հարություն է առել:

Սա Մարկոսի Ավետարանի զարմանալի պատմությունն է՝ ներկայացված համառոտակի: Ինչպես կարող է այս պատմությունը Աստուծո Արքայությունը լինել: Սույն արտահայտությունն իսկ թելադրում է Աստուծո ողջ ուժի և փառքի դրսևորումը մի այնպիսի արքայական հեղինակությամբ, որպեսզի բոլորը ճանաչեն, որ նա Աստված է:

Իսկ մեր ամբողջ տեսածը, ըստ երևույթին, մի գալիլիացի մարգարե է, որ բացահայտում է ճշմարտությունն այնպես, ինչպես ինքն է հասկանում, և կնքում իր վկայությունը իր կյանքի արյունով, ինչպես քաղմաթիվ հրեա մարգարեներ արել էին իրենցից առաջ:

Ի՞նչ է այս առեղծվածի բացատրությունը: Արդյոք հնարավոր է, որ Գալիլիացի մարգարեի կյանքն ու գործունեությունն իսկ և իսկ Աստուծո Արքայությունը լինեն:

Ակնհայտ է, որ մեր առաջին ամփոփումը պակասավոր է և անբավարար:

Պատմությունը լի է խորիմաստ թելադրանքներով և պատահարներով, որոնք զանց առնելով՝ չենք հասկացել այն: Դարձյալ փորձենք՝ այս անգամ ջանալով ի հայտ բերել սույն կարևոր հանգամանքները:

Ա.

Սկսենք Հիսուսի մկրտությանը:

Պատմությունը, թե ինչ կատարվեց Հիսուսի հետ Հորդանանում, ինչպես նաև նրան հաջորդող փորձությունը, աշակերտներին պետք է հասած լինեն նույն ինքը Հիսուսից, քանի որ, ըստ Մարկոսի, ուրիշ որևէ մեկը չտեսավ կամ չլսեց այնտեղ կատարված իրապես կարևոր պատահարները:

Ի՞նչ էին դրանք: Նախ մի ձայն երկնքից ասաց Հիսուսին, երբ նա դուրս էր գալիս ջրից. «Դու ես Իմ սիրելի Որդին, որ ունես

³ Հաշվարկումները հետևյալներն են. «Աստուծո Արքայությունը» Մարկոսի Ավետարանում հանդիսանում ենք 14 անգամ, իսկ Ղուկասի մոտ՝ 32: Մատթեոսի Ավետարանում «Աստուծո Արքայությունը» կրկնվում է չորս անգամ և «Երկնքի Արքայությունը» (որ նույն իմաստն ունի)՝ 38 անգամ:

⁴ Հովհաննես Զ 15: Հովհաննես ավետարանիչը բացահայտում է այն, ինչ որ թաքնված է Մարկոսի: Ավետարանում:

թյուն, որտեղ Վարդապետի հմայիչ իմաստությունը ներդաշնակվում էր Գալիլիայի գողտրիկ բնության հետ: Այսպիսի մի պատկեր կարող ենք կազմել միայն այն ժամանակ, երբ անտեսենք հրաշքները, առակները մեկնաբանենք միայն որպես գրավիչ բարոյական պատմություններ և վախճանաբանական ասացվածքները դատարկենք իրենց իմաստից ու խորհրդից: Քրիստոսի առաքելության մեջ խաղաղություն կար, բայց առավել ևս կար սրբազան պատերազմ ընդդեմ չար ուժերի:

Մենք պետք է Գալիլյան առաքելությունը պատկերենք գործո՞ւմ շարժման մեջ և ո՞չ թե լճացած, մարտակա՞ն, ո՞չ թե հովվերգական: Հիսուս ասաց. «Կարծում եք, թե երկրին խաղաղություն տալու եկա, ոչ... այլ երկրի վրա կրակ գցելու» (Ղուկ. ԺԲ 49—51):

Նա սկսում է իր առաքելությունը՝ հայտարարելով, որ ուղարկված է գերիներին ազատելու (Ղուկ. Դ 18—19): Իր գործունեությունը համեմատում է Ուժեղին (սատանային) կապելու ավելի Հզորի կողմից (Ղուկ. ԺԱ 22): Վերադարձող յոթանասուններկու աշակերտներին ասում է. «Տեսնում էի սատանային երկնքից ընկնելիս, ինչպես փայլակը» (Ղուկ. Ժ 18): Իր առակները մարտական գեղեք են և իր հրաշալի գործերը՝ հաղթության նշաններ՝ չար ուժերի դեմ մղած պայքարում: Իր ողջ առաքելության ընթացքին զգացվում է սարսափազդու ճգնաժամային մի տագնապ, տագնապ, որի արդյունքը լինելու է օրհնություն կամ դատաստան այս սերնդի համար (Ղուկ. ԺԲ 49—59, ԺԳ 1—5):

Երբ միայն այսպես դիտենք Գալիլյան առաքելությունը, ուղիղ կընկալենք այն: Պայքարի գլխավոր հերոսը ոչ թե մի մեծահոգի ուսուցիչ պատկեր է, որ համբերությամբ քաղմություններին հաղորդում է հավիտենական իմաստության ճշմարտություններ, այլ Աստուծո հզոր Որդին, որն իր Հոր սպառնալիքով զինված դեկավարում է հարձակումն ընդդեմ սատանայի և նրա բոլոր չար գործերի՝ կոչ անելով մարդկանց՝ որոշել, թե ճակատամարտում որի՞ կողմն են կանգնած: «Ո՛չ ոք, որ իր ձեռքը մաճի վրա է դնում ու ետ նայում, հարմար է Աստուծո արքայությանը» (Ղուկ. Թ 62): «Թող որ մեռյալները թաղեն իրենց մեռելներին, իսկ դու գնա-քարոզիր Աստուծո արքայությունը» (Ղուկ. Թ 60): «Աստուծո արքայությունը ձեր մեջ է» (Ղուկ. ԺԷ 21): «Երկնքի արքայությունը բռնադատվում է» (Մատթ. ԺԱ 12): «Եթե Աստուծո ձեռքով եմ հանում դներին, ապա Աստուծո արքայությունը հասել է ձեր վրա» (Ղուկ. ԺԱ

20): «Ահա դներ եմ հանում, բուժումներ եմ կատարում այսօր և վաղը, իսկ երրորդ օրը ընթացքս կավարտեմ» (Ղուկ. ԺԳ 32):

Ուրեմն մեր երրորդ ուսումնասիրությունը ցույց է տալիս Երկնքի Արքայության պատերազմը ընդդեմ չարիքի թագավորության՝ Հիսուսի առաջնորդությամբ: Ետադարձ հայացք գցելով Հիսուսի Առաքելության վրա, բազում տարիներ հետո Ս. Հովհաննեսն այդ այսպես նկատեց. «Աստուծո Որդին հենց նրա համար հայտնվեց, որպեսզի քանդի սատանայի գործերը» (Ա. Հովհ. Գ. 8):

Դ

Այժմ անցնենք Փիլիպպյան Կեսարիա (Մարկ. Ը 27—33): Քրիստոսի Առաքելությունը Գալիլիական ընթրիքին արդեն հասել էր իր գագաթնակետին, երբ ժողովրդական խանդավառությունը հատկապես շատ բարձր էր: Այնուհետև, հավանաբար փախուստ տալով իր բարեկամների վտանգավոր ոգևորությունից, Հիսուս հեռանում է դեպի Պաղեստինյան հյուսիս-արևմտյան սահման (Մարկ. Է 24): Իսկ Գալիլիայում սկսված ճակատամարտը պետք է ավարտվեր Երուսաղեմում (Ղուկ. ԺԳ 32 և հաջ.): Ուստի Հիսուս, դեռ ճանապարհ չընկած դեպի հարավ, ուզում էր վստահ լինել՝ արդյո՞ք իր աշակերտները հասկանում են, թե ինչ է կատարվում: Փիլիպպյան Կեսարիայի առանձնության մեջ Հիսուս հարցնում է. «Մարդիկ ի՞նչ են ասում իմ մասին, թե ո՞վ եմ ես»: Նրանք պատասխանում են, որ ժողովուրդը տարբեր կարծիքներ ունի: «Իսկ դուք, — մոտիկից հարցաքննելով աշակերտներին, — ի՞նչ եք մտածում»: Ամփջապես Պետրոսը բարձրաձայն հայտարարում է այն, ինչ որ բոլորի մտքում էր. «Դու Մեսիան ես»: Միշտ պատասխան է այս: Այո՛, և Հիսուս լռելյալն ընդունում է այդ և ավելացնում. «Մարդու Որդին նախ պետք է չարչարվի և մեռնի, որպեսզի հաղթանակի»:

Ուշադրություն դարձրեք, որ Նա օգտագործում է «Մարդու Որդի» արտահայտությունը և ոչ թե «Մեսիան»: Առաջին անգամն էր, որ այդ անունը գործածեց: Դրանում վստահ չենք. ինչին որ կարող ենք վստահ լինել, այն է՝ «Մարդու Որդին» արտահայտությունը պարզ քանաստեղծական հոմանիշ չէ «մարդ» բառի, ինչպես մի ժամանակ եմթարդում էինք: Ընդհակառակը, դա համարյա ամենահավանքոտ ձևն էր ինքն իրեն ներկայացնելու, որ Հին Արևելքում որևէ մարդ կարող էր օգտա-

գործել»⁷ (Եթե այն «մարդ» թարգմանենք, պետք է մեծատաճով գրենք «Մարդ»)։ Որովհետև «Մարդու Որդին» մի տիտղոս է, որ ծագել է Դանիելից (Դանիել է 13)։ Նա մի խորհրդավոր մարդ է, որ իր թագավորությունը Աստծուց է ընդունում, և նրան վիճակված է իշխել, ինչպես Աստծուն է վայել։ Այս փառափառ կերպարի հետ է նույնացնում Ինքն իրեն Հիսուս, քայց միաժամանակ պնդում է, որ իրեն նպաստում է չարչարանք և մահ, որովհետև Աստված այդպես է կամենում։ Պետրոսի համար, որ հույսը դրել էր հաղթական Մեսիայի վրա, այդ գաղափարն իսկ անբերուն է, որի համար էլ հանդիմանում է Հիսուսին, քայց դրան հաջորդում է Տիրոջ խտրագույն կշտամբանքը։ Պետրոսը մեսիակաությունը պատկերացնում է մարդկային և ոչ թե աստվածային մոտեցմամբ։ Հիսուս դրանով ուզում է ասել. «Ով Պետրոս, դու անտանելի» ես գտնում տառապող Մեսիայի մտածումն իսկ։ Այնուամենայնիվ, Աստուծո իշխանությունը այդպես է գործում, և թեև ես Աստուծո Որդին եմ, այդ ճանապարհով պիտի քայլեմ, որ պատրաստված է Տիրոջ Տառապող Ծառայի համար։ Այլ ճամփա չկա, և դու էլ պետք է պատրաստ լինես կիսելու իմ ճակատագիրը» (Մարկ. Ը 34)։

Վեց օր հետո տեղի է ունենում մի այլ եղելություն (Մարկ. Թ 2—8), որ մոտիկից առնչվում է Պետրոսի խոստովանությանը, քայց այնքան խորհրդավոր, որ մինչև այսօր չգիտենք ինչպե՞ս սկսենք այդ քաջատրեյ։ Մինչ լեռան գագաթին աղոթում էր⁸, ճերքնական ճառագայթումով պայծառակերպվում է։ Աներևույթ աշխարհից երևում են Մովսեսն ու Եղիան, որոնք գրոցում են իր հետ «Երուսաղեմում կատարվելիք Եւֆի և Փրկման ԹՅԱՆ խորհրդի մասին», ասում է Ղուկասը։ Եվ այլապես աշակերտները լսում են մի աստվածային ձայն, նույն ձայնը, որ լսվեց Հիսուսի Մկրտության պահին, — որ նրանց վստահեցնում է. «Դա է իմ Ընտրյալ Որդին, Նրան լսեցեք» (երկու Մեսիական տիտղոսներ)։

Ուրեմն մեր չորրորդ ուսումնասիրությունը եզրակացնում է. «Վերջին ճակատամարտը Աստուծո Արքայության և չարիքի թագավորության միջև պետք է տեղի ունենա Երուսաղեմում. և այնտեղ մահաճալու է Աստուծո Մեսիան»։

⁷ Մատթեոս, «Աստվածաբանություն Նոր Կտակարանի», էջ 108։

⁸ Այս դուկալյան մանրամասնությունները լուսաբանում են Մարկոսի նկարագրությունը։

Է

Իսկ այժմ անցնենք Երուսաղեմի վերջին շաքաթվա դեպքերին և Վերջին Ընթրիքին։ Հիսուս մուտք է գործել Սուրբ Քաղաք «համեստ փառքով»։ Նա մաքրել է տաճարը, նաև կանխատեսել Նրա կործանումը։ Բեթանիայի մի տան մեջ անհայտ անունով մի կին, կոտրելով անուշաբույր արժեքավոր յուղ պարունակող սրվակը՝ օծել է Նրան իր մահվան համար։

Այժմ հինգշաբթի գիշեր է. Վերնատան մեծ սենյակի անդորրության մեջ Հիսուս հանդիպում է տասներկու առաքյալներին, միաստեղ մի վերջին ընթրիքի համար. (Մրկ. ԺԴ 22—25, Ա Կորնթ. ԺԱ 23 և հաջ.)։

Հասկանալու համար կատարվելիքը, վերհիշենք որոշ հանգամանքներ։ Եթե հավաքման առիթը ընթրիքն է, ապա նախորդող մի այլ ընթրիք Հիսուսին ծառայել է որպես Աստուծո արքայության ամանության պատկեր (Բազմությունների կերակրելը, Ղուկ. ԺԴ 16—24)։ Ավելին, այս մասնավոր ընթրիքը Հրեական Չատկի նախօրյակին է տեղի ունենում, կամ հենց Չատկի օրը։ Ահա Չատիկը հիշատակությունն է Աստուծո Մեծ գործի, որով առաջին Ելքը (ազատումը) կարելի դարձրեց և Իսրայելին՝ համարեց Աստուծո Ընտրյալ Ժողովուրդը՝ Սինա լեռան վրա արյունով կնքված մի ուխտով։ Բայց Հիսուս, հայտարարելով, որ հրեաները այլևս Աստուծո ժողովուրդը չեն, բացիվ և գործով խոտացել էր մի Նոր Իսրայելի ստեղծումը։ Բայց այդ չկայացած, Մարդու Որդին պիտի մեռներ իբրև Աստուծո Ծառա՝ «շատերի փրկության համար» (Մարկ. Ժ 45) և իր Չարչարանքը պիտի ամանեցներ մի «Գավաթի», որից պետք է խմեր, մի Գավաթ, որից և իր աշակերտներն էլ խմելու էին (Մարկ. Ժ 38)։

Այժմ տեսնեք, թե ի՞նչ է անում Հիսուս. նախ վերցնում է մի հաց, կտրում և տալիս իր աշակերտներին՝ ասելով. «Այս իմ Մարմինն է, (որ ձեզ համար է)»։ Ապա նրանց է տալիս կարմիր գինիով Գավաթը ու ասում. «Այս Գավաթը Նոր Ուխտի իմ Արյունն է», և հրավիրում է, որ ուտեն ու խմեն։ Այս ի՞նչ է նշանակում։

Հիսուս հրամցնելով հացն ու գինին, աշակերտներին տալիս է Աստուծո արքայության մի երաշխիք, որը շուտով գալու է «Զորությանը»՝ իր զոհաբերվելով։ Կտրված հացը և թափված գինին ներկայացնե-

⁹ Այստեղ Իսրայել պետք է հասկանալ ժողովուրդ ստումով։

յով որպես Իր Մարմինն ու Արյունը, Նա ոչ միայն պնդում է, որ Իր անձի մեջ մարմնավորում է այդ թագավորությունը, այլև վսեմ խորհրդանշանով պատկերում է Իր կյանքի այն գոհաբերությունը, որ կատարելու է «շատերի համար»: Մեր այսպիսի մեկնաբանությամբ Իր՝ Խաչյալ-Քրիստոսի գործողյանը մասնակից է դարձնում աշակերտներին՝ նրանց մատուցելով Հացն ու Գինին:

Նոր Ուխտը (Երեմ. ԼԱ 31 և հաջ.), որ պետք է վավերացվի Ծառայի մահվամբ (Եսայի ԽԲ 6, ԽԺ 8, 53), խորհրդանշական կերպով բացվել է և իրապես մի քանի ժամից պետք է կնքվի արյամբ: Այսպես՝ Մեսիա Ծառայի աշխատանքը, որ սկսվեց Հորդանանում ջրով մկրտությամբ, Գողգոթայում՝ արյան մկրտությամբ հասնելու է իր վախճանին, այն մկրտության, որի բարիքներին շատերը մասնակից պիտի լինեն:

Ուստի հիմնվելով պատահարն իր էության մեջ՝ կատարված մարգարեական մի նշան է, որով Հիսուս ասում է. «Ես խոստանում եմ ձեզ Աստուծո՝ Արքայությունից մի բաժին, որը գալու է շուտով գործությամբ՝ Մեսիա Ծառայի մահվամբ»:

2

Մի վերջին ակնարկ անենք Հիսուսի վրա: Նա մատնված և ձերբակալված՝ կանգնել է քահանայապետի առջև: «Դու Մեսիա՞ն ես», հարցնում է Կաիափան. «Ես եմ», պատասխանում է Հիսուս, «և պիտի տեսնեք Մարդու Որդուն՝ Զորության Աջ կողմում նստած և երկնքի ամպերի վրայով եկած» (Մարկ. ԺԴ 61 և հաջ.):

Այս Իր Առաքելության նկատմամբ Հիսուսի անհաղթահարելի հավատքի վերջին խոստովանությունն է, և Նա արտահայտվում է Դանիել մարգարեի խոսքերով. «Ահա եկավ ամպերի վրայով Մարդու Որդուն՝ գալով ամենահին օրերից, կանգնեց Նրա առջև, ու իրեն տրվեց իշխանություն, փառք և թագավորություն» (Դանիել Է 13—14):

Այսպես, ի հեռուկա Իր դատի ակնհայտ կորստի, Հիսուս կանխատեսում է Իր հաղթանակը: Իր մարգարեությունը դեպի երկիր մի երկրորդ գալուստ չէ, այլ արդարացում և Գահակալություն: Նա պիտի ընկունվի ամենաբարձր տեղը, որ երկնքում կա, և նրանք պիտի տեսնեն Իր այս բարձրագույն և հաղթանակը (Սաղ. ԾԺ 1):

Ուրեմն այս վերջին ուսումնասիրության մեջ Հիսուս ասում է. «Մեսիա Ծառայի հաղթանակն ապահովված է»:

Մեսիա Ծառան արդարացա՞վ: Տիրոջ հաճությունը Իր ձեռքի մեջ պտղաբերե՞ց: Եվ Նա «Երկարացրե՞ց Նրա օրերը»:

Մենք Հարության մասին հետո պիտի խոսենք: Մինչ այդ տեսնենք, թե Հիսուսի պատմությունն ինչպե՞ս է ներկայանում այս ուսումնասիրությունների շարքից հետո:

Մենք փորձեցինք ամբողջացնել պարզ ուրվագիծը, որով սկսեցինք շեշտը դնելով «խոր իմաստով լի թելադրանքների և պատահարների վրա», և դրանք բացատրեցինք խորապես աստվածաբանական մեկնությամբ: Որպես արդյունք մենք հանգեցինք երկու շատ կարևոր եզրակացության:

1. Մենք չենք կարող ներկայացնել Հիսուսի պատմությունը՝ առանց աստվածաբանության և հատկապես վախճանաբանության դիմելու: Առանց աստվածաբանության՝ պատմությունն անըմբռնելի է: Եվ աստվածաբանության մեծ մասի բանալին գտնվում է Հին Կտակարանում, հատկապես Եսայի մարգարեի՝ Տիրոջ Ծառայի Երգերում և Դանիելի Է գլխում:

2. Երկրորդ եզրակացությունը պակաս կարևոր չէ: Մեր ուսումնասիրությունները երկու հարցեր պարզեցին.

ա) Հիսուս հավատում էր, որ Աստուծո Արքայությունը ներկա է Իր Անձի և Գործունեության մեջ, ներկա՝ որպես «խորհուրդ» (Մարկ. Դ 11), և իրապես՝ գործուն կերպով ներկա:

բ) Նույն հատակությամբ տեսավ Իր Մեսիական առաքելությունը Հորդանանից մինչև Գողգոթա, որպես Տիրոջ Ծառայի մարգարեությունների իրականացում:

Նշված Ա և Բ կետերը համատեղելու արդյունքը մի անլուծելի առեղծված է առաջացնում, մի պարադոքս, որը, ինչպես օխտենք, ծանր շփոթության մատնեց աշակերտներին և, հիրավի, հատակ դարձավ միայն Տիրոջ Հարությունից հետո: Կրկին ու կրկին Հիսուս փորձեց նրանց այդ ճշմարտությանը իրազեկ դարձնել, հատկապես Երուսաղեմ տանող ճանապարհի վրա (ինչպես վկայում է Մարկոսը Ժ 42—45 համարներում): Այն, ինչ Նա փորձում էր ումբռնել տալ նրանց, Մեսիական գաղտնիքն էր, գաղտնիքը՝ ոչ թե Ո՞վ է Մեսիան (այդ նրանք կոսեցին էին), այլ՝ թե Ի՞նչ անոթ է անի և տառապի:

Բայց ո՞րն է Գաղտնիքը, Խորհուրդը: Բանն այն է, որ աստվածաբանական լեզվով բանաձևված՝ «Իրականացված Վախճանաբանության» իմաստը և Հիսուսի Մեսիական Առաքելության իմաստը նույնանում են: Ավելի պարզ ասած՝ Հիսուսի Գործունեությունը, որպես Մեսիա-Ծառա, Հոր-

դամանից Գողգոթա, **նույն ինքն Աստուծո Արքայությունն է**, Աստուծո Գործունեությունը՝ Իր Արքայական Զորությամբ. Աստված այցելում է Իր Ժողովրդին և փրկում նրան:

Արքայությունը երկրային մի կայսրություն չէ, որ կարելի լիներ հիմնել քաղաքական ուժով, այլ մի Թագավորություն, որ Աստված է ղեկավարում Փրկագործությամբ՝ Քրիստոսի Առաքելության միջոցով: Առաքելության վրա մի հավելյալ բան չէ այն, այլ նույն ինքը Առաքելությունը:

Հիսուսի՝ Ծառա Մարդու Որդու Զարչարանքը և Զոհաբերությունը ոչ թե միայն հաղթանակի նախաբանն է, այլ նույն ինքը հաղթանակը, մի հաղթանակ, որ Տիրոջ Հարությամբ պարզ և հաշտնի պիտի դառնա: Ս. Հովհաննես ավետարանիչը շուրջ կես դար հետո հստակորեն տեսավ, որ Հիսուսի «Փառք»-ը կայանում է **Խաչի** մեջ: Բայց առաջին ավետարանիչներն էլ անտեղյակ չէին այս իրողությանը և իրենց քարոզներում ասացին, որ Հիսուսի Առա-

քելությամբ, Մահվամբ և Հարությամբ Աստուծո Արքայությունը եկած էր¹⁰:

Անգլերենից թարգմանեցին՝

Ստեփանոս արեղա Զաքարյան
Աթանաս քահանա Մովսիսյան

¹⁰ Առաքյալները հետևյալը հռչակեցին.

ա) Մարգարեությունները կատարվել են.

բ) Քրիստոսի Իրողությամբ Նոր Դարաշրջան սկսվեց.

գ) Ուրեմն՝ ապաշխարեցեք և հավատացեք:

Հիսուս հռչակել էր.

ա) Ժամանակը հասել է.

բ) Աստուծո Արքայությունը եկել է.

գ) Ուստի ապաշխարեցեք և հավատացեք:

Երկու հայտարարությունների մեջ էլ վերոհիշյալ Ա. և Գ. կետերը նույնանում են: Իսկ երկրորդը. Մեսիա Հիսուսի գործունեության, Մահվան և Հարության հռչակումը եկավ փոխարինելու Աստուծո Թագավորության հռչակմանը: Հազիվ թե որևէ այլ բացատրություն ավելի հստակ ցույց տա մեր եզրակացության ճշմարտացիությունը:

